

tur, cum serpens noster conspicitur prægnans, ne ictum
 tum pereat maturitas, in nidum dum reponitur, cali-
 dum nutritium cum virtute exsiccationis porrigatur
 immensa susceptibili custodiatur, ne alimento super-
 fluo eandem propriam deglutiat, corrumpendo. Quo-
 niam sub consideratione expedit intentio finalis inda-
 gati cum mundationis modo. Intèrio Philosophorum
 inuariabilis vno ex ore resonet, vim consistere totalem
 humectatione in alternata, cum terreatate subsequen-
 da: & sic finis.

IN TVRBAM PHI- LOSOPHORVM EXER- CITATIONES.

*In quibus occulta quedam, & ad artem
 facientia explicantur.*

DEFINITIO LAPIDIS, ET quibus initijs constet.

EXERCITATIO I.



RACTATVRI de Lapide Philosophorum,
 videndum in primis, quibus initijs, quibus-
 ve elemētis constet Lapis Philosophorum.
 Consideratione itaque Philosophorum o-
 mnium, Mercurius patet est omnium me-
 tallorum. Lapis autem Philosophicus est materia me-
 tallica, conuertens substantias & formas metallorum
 imperfectorum. Hanc autem conuersionem non fieri
 nisi per suum simile, iam dudum ab omnibus Philo-
 sophis est conclamatum. Necessè igitur est, Lapidem
 Philosophorum ex metallica materia gigni. Ex qua au-
 tem metallica specie generetur, id sonant omnes Phi-
 losophi, præsertim in hoc libello dicentes: In Mercurio
 esse omne id quod à Sapiētibus quæritur. Qua ratione
 enim eius substantia aut forma illa corporibus adiun-
 gitur, talem suscipit substantiam & formam: & sicut à
 corporibus tingitur, sic & tingit: & sicut caro genera-